

Na osnovu tačke V Odluke o utvrđivanju kriterija i raspodjele ostatka dijela sredstava utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta s ekonomskog koda „Kapitalni transferi drugim razinama vlasti i fondovima - izgradnja, adaptacija i rekonstrukcija sportske infrastrukture“ („Službene novine Federacije BiH“, broj: 55/25), Vlada Federacije Bosne i Hercegovine putem Federalnog ministarstva kulture i sporta objavljuje

JAVNI POZIV

za podnošenje prijava za finansiranje/sufinansiranje izgradnje, adaptacije i rekonstrukcije sportske infrastrukture od značaja za kantone, gradove i opštine u Federaciji Bosne i Hercegovine

I Predmet Javnog poziva

Predmet ovog Javnog poziva je podnošenje prijava za finansiranje/sufinansiranje projekata/zahtjeva/inicijativa (u daljem tekstu: projekti) za raspodjelu ostatka dijela sredstava „Kapitalni transferi drugim razinama vlasti i fondovima – izgradnja, adaptacija i rekonstrukcija sportske infrastrukture“ utvrđenih na razdjelu 52 glava 5201 ekonomski kod 615100 Budžeta Federacije Bosne i Hercegovine za 2025. godinu - Federalnom ministarstvu kulture i sporta u ukupnom iznosu od 16.000.000,00 KM za izgradnju, adaptaciju i rekonstrukciju sportske infrastrukture.

Korisnici sredstava, kantoni, gradovi i opštine se mogu prijaviti za izgradnju, adaptaciju i rekonstrukciju sportske infrastrukture iz sljedećih oblasti:

- a) objekti sportskog karaktera (sportske dvorane, fudbalska igrališta, bazeni itd.);
- b) komunalna infrastruktura sportskih objekata (vodovod i kanalizacija, energetske i komunikacijske mreže, plinske i niskonaponske mreže itd.);
- c) ostali sportski objekti od značaja za kanton i opštine (otvoreni sportski objekti, atletske staze, teniski tereni i druga sportska borilišta).

II Opšti ciljevi Javnog poziva

Opšti cilj ovog Javnog poziva je finansiranje/sufinansiranje projekata od značaja za kantone, gradove i opštine u Federaciji Bosne i Hercegovine na način da se doprinese poboljšanju kvalitete života kroz ulaganja u izgradnju, adaptaciju i rekonstrukciju sportskih objekata i povećanju broja raspoloživih i uređenih sportskih objekata, čime će se ispuniti jedan od temeljnih preduslova za razvoj sporta u Federaciji Bosne i Hercegovine.

III Pravo učestvovanja

Prijavu na Javni poziv mogu podnijeti opštine, gradovi, kantoni za finansiranje/sufinansiranje projekata koji se realizuju u 2025. godini u kantonima, gradovima i opštinama, osim onih opština, gradova i kantona koji do trenutka zatvaranja Javnog poziva nisu izvršili povrat neiskorištenih/nenamjenski utrošenih sredstava dodijeljenih temeljem javnih poziva iz 2023. i 2024. godine, a na osnovu zahtjeva Federalnog ministarstva kulture i sporta kojim je upućen zahtjev **za povrat sredstava** na JRT Budžeta FBiH.

Prednost će imati projekti s visokim stepenom tehničke pripremljenosti projekta i koji su prioritetni za implementaciju u kantonima, gradovima i opštinama te izravno doprinose kvalitetnijem životu zajednice.

Prijava projekata za mobilne građevine koje se postavljaju privremeno, kratkoročno i potom uklanjaju nije moguća.

Finansijska sredstva

Minimalan iznos finansiranja/sufinansiranja projekata u okviru ovog Javnog poziva iznosi 100.000,00 KM.

Broj prijavljenih zahtjeva

Aplikanti mogu dostaviti više od jednog projekta.

Projekti se podnose zasebno.

Aplikant po jednom projektu može dobiti najmanje 100.000,00 KM.

Kriteriji za raspodjelu ostatka dijela sredstava dijele se na opšte i posebne.

Opšti kriteriji:

1. čitko (elektronski) popunjena, potpisana i ovjerena prijava na Javni poziv na obrascu koji je dostupan na web stranici Federalnog ministarstva kulture i sporta;
2. jasno i realno opisan cilj navedenog projekta;
3. razrađen budžet za navedeni projekt;
4. ovjerena izjava da je, odnosno da će sredstva biti utrošena za projekte koji se realizuju u 2025. godini.

Uslovi iz opštih kriterija su eliminatorni.

Posebni kriteriji za raspodjelu ostatka dijela sredstava programa kapitalnih transfera – mjerljivost:

1. izjava o sufinansiranju s dokazima – ako je riječ o sufinansiranju;
2. potvrda/preporuka o prethodnoj/prethodnim fazama realizacije projekta od finansijera/sufinansijera;
3. projektno tehnička dokumentacija – glavni projekt ili izvedbeni prijedlog projekta ili idejni prijedlog projekta;
4. zrelost projekta – osigurani uslovi za realizaciju projektnih aktivnosti, građevinska ili urbanistička dozvola;
5. jasan, realan i izvediv vremenski plan radova uskladu sa stanjem objekta;
6. izjava ovlaštene osobe o utjecaju projektnog prijedloga na razvoj lokalne zajednice;
7. ugovor s izvođačem radova ili ponuda izvođača radova;
8. namjena sportskog objekta, terena, igrališta, bazena;
9. fotodokumentacija objekta za koji se aplicira;
10. doprinos projekta kvaliteti života u lokalnoj zajednici i Federaciji Bosne i Hercegovine;
11. kvalitet projekta.

Način odabira projekata

Odabir projekata, potencijalnih korisnika, na osnovu ovog Javnog poziva provest će Komisija koje imenuje Vlada Federacije Bosne i Hercegovine.

Komisija će u radu postupati u skladu s Poslovníkom o radu komisija i odredbama ovog Javnog poziva te utvrditi formalno-pravnu ispravnost projektnih aplikacija i izvršiti bodovanje i na temelju toga sačiniti bodovnu listu korisnika koji su ispunili uslove javnog poziva te će istu sa zapisnikom dostaviti Federalnom ministarstvu kulture i sporta.

Federalno ministarstvo kulture i sporta će na osnovu bodovne liste sačiniti Prijedlog Odluke o izboru korisnika sredstava i dostaviti Vladi Federacije Bosne i Hercegovine na razmatranje i donošenje.

Objava rezultata Javnog poziva

Odluku o izboru korisnika sredstava s konačnim iznosima podrške projektima po ovom Javnom pozivu utvrđuje Vlada Federacije Bosne i Hercegovine i objavljuje u Službenim novinama Federacije Bosne i Hercegovine.

Obavezna dokumentacija potrebna za prijavu na Javni poziv treba sadržavati:

1. Prijavni obrazac (mora biti na jednom do službenih jezika u Federaciji BiH i elektronski popunjen; a na kraju obrasca obavezno dodati budžet iz preporuke revizije, navesti datum i potpis odgovorne osobe te isti ovjeriti pečatom).
2. Jasno i realno opisan cilj navedenog projekta, koji potpisuje i ovjerava podnosilac projekta.
3. Razrađen budžet za navedeni projekt, koji potpisuje i ovjerava podnosilac projekta.
4. Ovjerena izjava odgovorne osobe da će sredstva biti utrošena za projekt koji se realizuje u 2025. godini (Izjava ovjerena u opštini ili notarskom uredu).
5. Izjava o sufinansiranju s dokazima – ako je riječ o sufinansiranju (Izjava ovjerena u opštini ili notarskom uredu).
6. Potvrda/preporuka finansijera/sufinansijera o prethodnoj/prethodnim fazama realizacije projekta (original ili ovjerena kopija u opštini ili notarskom uredu).
7. Projektno tehnička dokumentacija – glavni projekt ili izvedbeni prijedlog projekta ili idejni prijedlog projekta (original ili ovjerena kopija u opštini ili notarskom uredu).
8. Zrelost projekta – osigurani uslovi za provedbu projektnih aktivnosti, građevinska ili urbanistička dozvola (original ili ovjerena kopija u opštini ili notarskom uredu).
9. Jasan, realan i izvediv vremenski plan radova u skladu sa stanjem objekta, koji potpisuje i ovjerava podnositelj projekta.
10. Izjava ovlaštene osobe o utjecaju projektnog prijedloga na razvoj lokalne zajednice koji potpisuje i ovjerava podnosilac projekta.
11. Ugovor s izvođačem radova ili ponuda izvođača radova (original ili ovjerena kopija u opštini ili notarskom uredu).
12. Namjena sportskog objekta, terena, igrališta, bazena (Izjava ovlaštene osobe o namjeni sportskog objekta, broju gledalaca i korisnika objekta, broju sportista koji će koristiti objekt, ako je predviđen za međunarodna takmičenja potrebno je navesti zadovoljava li objekt međunarodne standarde ili normative za održavanje takmičenja koje propisuju: FIFA; FIBA; UEFA; FIVB; IHF, ili druge međunarodne federacije, te drugim podacima o

značaju projektnog prijedloga za razvoj sporta u opštini, gradu ili kantonu, ovjerena u opštini ili notarskom uredu).

13. Fotodokumentacija objekta za koji se aplicira.

14. Doprinos projekta kvaliteti života u lokalnoj zajednici i Federaciji Bosne i Hercegovine (Izjava odgovorne osobe, o značaju i doprinosu projekta poboljšanju kvalitete života u lokalnim zajednicama ulaganjem u izgradnju, adaptaciju i rekonstrukciju sportskih objekata te pokazateljima o ispunjenosti predslova za razvoj sporta u Federaciji BiH kroz ulaganje u projekt aplikanta, ovjerena u opštini ili notarskom uredu).

Dostavljanje prijava na Javni poziv

Podnosilac prijave obvezno popunjava sve rubrike Prijavnog obrasca i odgovara za vjerodostojnost svih unesenih podataka. Samo ovako uneseni podaci će se koristiti prilikom vrednovanja prijave.

Nepotpune, neuredne i neblagovremene prijave neće biti predmet daljeg razmatranja.

Prijave na Javni poziv će se bodovati na osnovu dostavljenog Prijavnog obrasca i priložene dokumentacije. Obrazac prijave na Javni poziv je dostupan na web stranicama Vlade Federacije Bosne i Hercegovine www.fbihvlada.gov.ba i Federalnog ministarstva kulture i sporta www.fmks.gov.ba

Dostavljanje prijava na Javni poziv se vrši preporučeno poštom na adresu:

Vlada Federacije Bosne i Hercegovine

**Komisija za dodjelu ostatka dijela sredstava kantonima, gradovima i opštinama iz
Budžeta Federacije Bosne i Hercegovine za izgradnju, adaptaciju i rekonstrukciju
sportske infrastrukture
Hamdije Čemerlića 2
71000 Sarajevo**

s naznakom:

***Prijava na Javni poziv za podnošenje prijava za finansiranje/sufinansiranje
izgradnje, adaptacije i rekonstrukcije sportske infrastrukture od značaja za
kantone, gradove i opštine u Federaciji Bosne i Hercegovine***

Na poledini koverta obavezno navesti naziv podnosioca prijave, tačnu adresu i broj telefona).

Javni poziv bit će objavljen u dnevnim novinama „Dnevni avaz“ i „Večernji list“, te na web stranicama Vlade Federacije Bosne i Hercegovine i Federalnog ministarstva kulture i sporta. Javni poziv ostaje otvoren petnaest (15) dana od dana posljednje objave.